

–И-и-и. Такут агвыңылгит анит, накальу нулега.

Атутыңқакут альбакагмың. Такут калагенайтут. Яральтың агеқылгит. Агилгит ярагнекет. Лъыган игунагмың мантигами саялгумат. Аңалькут сает альакета лъиңакут. Қонырың игунета санкутыт полъақңата атугақйъеет мантигами ыльқйъитет. Пыгокет мантигам агұатңъани. Киени полъанақакңата амокет.

Апака Илаңа аңалькумаўк. Аңалькумамиўк Савлум нулега. Апама туклъугақңани тугоқа саяк ынкам мумық. Мумыгмың пилуки увингит акуна пинихсагъюгнамет аңқиғналгит.

Атасимың мантигамтыни ыльңагъяхуқсимаўк сагушқақ, наним қайңани ымынлъақылгит. Апама Савлук пе: «Ыта ыльпык агулехнақйўң кусихталге. Гўи ахтугақа». Савлум нукувлуни, қысиқаглуки айхани сапа кусихталге. Кусихтағнанихтук. Апака Илаңа нутагингамалуни агвығнелгенун ануяпит аньяхлъуинун ыкақуқ, гуқ. Таўхкын акуна мылгариңақылгит. Ыльңа кун мылгарилгумаўк апыгақйъеның «Тоти». На айнухақыкет ситогым мысеганың. Таўхкын тыкитакет тумынат. Унахсеның санақыңат альықат.

Лъунегун анавут аньяқылге. Таўатын кулигамсусимаңа, гуқ, атасимың агихсималуки аньят қеңугутыпихсимет. Нақам аньяқылгит аңомың. Аңоқтыт Лъунегун, гуқ, пет: ыта ныгыфкаги. Нақам икаюхтыкақыкет амалъи ахлъут. Сивонун ањьям пикағлуни ныгыфкагет нықыкувингагның, таугақыкувингагның. Мулухпынатың пугахкут ањьям агұатңакун ахлъут. Акуна тана кынлыкльуку сикпахтағнанихтук ањьям қайңанун. Лъика тумылимет ахлъут ањьяк. Таўатын тусимат кылонун.

Атасимың Илаңа Анушвихтук. Итхами мантигамун, натыгмың ниқуйкылуни кафсахтахтук. Альпахтук таўга юк лъика қиңахсуңгалге. Нақам натыгми ытывңақуқ нанум аме. Уфсутани тугульхағлуку нанум игўитхун уфсутагминың пилуку, уна нануқ лъика пыохтук. Алиңыфкама амалъи мантигами ылығы юк. Таўхкын гўайманыкат Илаңа. Акуна қатңугнақңан куйңим нықңаның минитат.